



REPUBLIKA E KOSOVËS
REPUBLIKA KOSOVA – REPUBLIC OF KOSOVO
GJYKATA THEMELORE GJAKOVË

Numri i lëndës: 2018:030752

Datë: 28.09.2018

Numri i dokumentit: 00150515

P.nr.65/18

NË EMËR TË POPULLIT

GJYKATA THEMELORE NË GJAKOVË – Departamenti i përgjithshëm, gjyqtarja e vetme gjykuese Diana Sina, me procesmbajtësen Lamije Kuqi, – sekretare juridike pranë kësaj gjykate, në lëndën penale kundër të akuzuarit S.M. nga fsh.L. e H. K.P., i akuzuar sipas aktakuzës të Prokurorisë Themelore në Gjakovë, me numër PP/II.nr.1072/2017, të datës 17.01.2018, për shkak të veprës penale mbajtje në pronësi, kontroll ose posedim të paautorizuar të armëve, nga neni 374 par.1 të KPRK-së, pas mbajtjes së shqyrtimit fillestar me datën **28.09.2018**, në prezencën e Prokurores së shtetit Dëshire Jusaj, të akuzuarit, në të njëjtën datë mori dhe publikisht shpalli këtë:

A K T G J Y K I M

I akuzuari **S.M.**, i biri i K.t, i nënës D., e gjinisë N., i lindur me datën... në fshatin L. e H. K.P., ku edhe tani banon, ka të kryer shkollën e mesme, student, i martuar-atë i 1 fëmije, i gjendjes së dobët ekonomike, shqiptar, shtetas i Republikës së Kosovës, me numër personal

Ë S H T Ë F A J T O R

Sepse: Me datën 20.07.2017 rreth orës 22.00 ka mbajtur në pronësi, kontroll dhe posedim të paautorizuar armën e zjarrit në kundërshtim me ligjin e zbatueshëm për armët, dhe atë një (1) armë-Pistolet e tipit A. F.e kalibrit 7.65mm, me nr.Serik ... së bashku me një (1) karikator dhe 8(tetë)fishek të kalibrit 7.65 mm, në atë mënyrë që ditën kritike rreth orës 14.00 min. në Rr.”S.” në Gjakovë, pas ndaljes nga ana e patrullës policore për shkak të tejkalimit të shpejtësisë dhe gjatë kontrollës rutinë në automjetin e tij të tipit T., me targë të regjistrimit ..., në ulëset e pasme është vërejtur një çantë e vogël në të cilën i janë gjetur dhe sekuestruar arma, karikator dhe fishekët e lartë cekur.

-me çka ka kryer veprën penale mbajtja në pronësi, kontroll ose posedim të paautorizuar të armëve nga neni 374 par.1 të KPRK-së.

Gjykata në bazë të nenit 4,17 par.1,41,46,73 dhe nenit 374 par.1 të KPRK-ës, si dhe nenit 365 të KPPK-ës, i shqipton;

DËNIM ME GJOBË:

Dënim me gjobë në shumë prej **700.-(Shtatëqindë)**Euro, të cilën shumë obligohet që ta paguaj në afat prej **15 ditësh**, pasi që Aktgjykimi të merre formë të prerë e nën kërcënim të përmbarimit me dhunë.

Nëse personi i dënuar nuk dëshiron ose nuk mund ta paguaj gjobën, Gjykata në bazë të nenit 46 par.3 të KPPK-ës, dënimi me gjobë do ta zëvendësoi me dënim burgu në kohëzgjatje prej **35(tridhjetë e pesë) ditësh**, duke llogaritur çdo ditë të qëndrimit në burgim nga **20.00-€.(njëzet) euro**, të gjobës.

Detyrohet i akuzuari që në emër të shpenzimeve procedurale, në emër të paushallit gjyqësor të paguaj shumën prej **30,00.-€**, në afat prej 15 ditësh, pas plotfuqishmërisë së këtij Aktgjykimi.

I SHQIPTOHET – dënimi plotësues, i konfiskohet një (1) armë-Pistolet e tipit e kalibrit 7.65mm, me nr.Serik së bashku me një (1) karikatorë dhe 8(tetë)fishek të kalibrit 7.65 mm, komfor nenit 374 par.3 të KPRK-ës.

A r s y e t i m

Prokuroria Themelore në Gjakovë, pranë kësaj gjykate, ka parashtruar aktakuzën PP/II.nr.1072/2017, të datës 17.01.2017, kundër të akuzuarit S.M.nga fsh.L. e H.K.P., për shkak të veprës penale mbajtja në pronësi, kontroll ose posedim të paautorizuar të armëve nga neni 374 par.1 të KPRK-së, duke propozuar gjykatës që i njëjti të shpallet fajtor dhe të dënohet sipas ligjit.

I akuzuari S.M.në shqyrtimin fillestar lidhur me fajësinë, deklaroi se e pranon fajësinë ashtu siç janë përshkruar në dispozitiv të aktakuzës, për të cilën vepër jam penduar pa masë dhe premtoi para gjykatës se një vepër të tillë nuk do ta përsëris, shton se për herë të parë paraqitem në gjykatë për një vepër të kryer penale por premtoi se do të jetë edhe hera e fundit, jam në gjendje të dobët materiale, jam baba i një fëmije dhe mbajtës i vetëm i familjes, andaj i propozoi gjykatës që me rastin e caktimit të llojit dhe lartësisë së dënimit ti merr parasysh rrethanat e lartë cekura dhe të më shqiptoi një dënim më të butë.

Duke u deklaruar lidhur me mendimin lidhur me pranimin e fajësisë nga ana e të akuzuarit, prokurori i shtetit ka deklaruar se nuk e kundërshton pasi që i akuzuari ka pranuar fajësinë me vullnet dhe vetëdije të plotë dhe i njëjti ka kuptuar natyrën dhe pasojat e pranimit të fajësisë dhe se pranimi i fajësisë u bë në mënyrë të vullnetshme dhe se pranimi mbështet në faktet dhe provat që përmban aktakuza.

Në shqyrtimin fillestar gjykata ka vërtetuar këtë gjendje faktike:

Në tërësi u vërtetuar se i akuzuari S.M.: Me datën 20.07.2017 rreth orës 22.00 ka mbajtur në pronësi, kontroll dhe posedim të paautorizuar armën e zjarrit në kundërshtim me ligjin e zbatueshëm për armët, dhe atë një (1) armë-Pistolet e tipit e kalibrit 7.65mm, me nr.Serik ... së bashku me një (1) karikatorë dhe 8(tetë)fishek të kalibrit 7.65 mm, në atë mënyrë që ditën kritike rreth orës 14.00 min. në Rr."S." në Gj., pas ndaljes nga ana e patrullës policore për shkak të tejkalimit të shpejtësisë dhe gjatë kontrollës rutinë në automjetin e tij të tipit T.,

me targë të regjistrimit, në ulëset e pasme është vërejtur një çantë e vogël në të cilën i janë gjetur dhe sekuestruar arma, karikatorit dhe fishekët e lartë cekur.

Gjykata gjendjen e këtyllë faktike e ka vërtetuar nga vet pranimit i fajësisë nga i akuzuari, i cili në shqyrtimin fillestar vullnetarisht ka pranuar fajësinë, për shkak të cilës gjykata nuk ka administruar provat, gjykata ka ardhur në përfundim se pranimit i fajësisë nga i akuzuari është bërë në pajtim me nenin 248 të KPP-së. Gjatë pranimit të fajësisë gjyqtarja e vetme gjykues konstatoi se i akuzuari ka kuptuar natyrën dhe pasojat e pranimit të fajit, pranimit është bërë vullnetarisht nga i akuzuari, pranimit i fajit mbështetet në faktet e çështjet që përmban aktakuza, në materialet e prezantuara nga Prokurori i shtetit dhe çdo provë tjetër dhe se aktakuza nuk përmban asnjë shkelje të qartë ligjore ose gabime faktike.

Gjykata nga të cekurat më lartë ka ardhur në përfundim se në veprimet e të akuzuarit formohen të gjitha elementet e qenies së veprës penale të përshkruar si në shqiptim të këtij aktgjykimi dhe për këtë ka vendosur që të akuzuarin të shpall fajtor dhe të gjykojë në bazë të ligjit, e më parë duke vërtetuar përgjegjësinë penale juridike të tij.

Me rastin e marrjes së vendimit mbi dënimin ndaj të akuzuarit gjykata vlerësoi të gjitha rrethanat në kuptim të dispozitave të nenit 73 të KPRK-së të cilat ndikojnë në zgjedhjen e llojit dhe lartësisë së dënimit, prej rrethanave lehtësuese gjykata ka vlerësuar rrethanat personale të akuzuarit: gjendjen e tij të dobët ekonomike, është i pa punë, mbajtës i vetëm i familjes, pranimit e fajësisë, pendimin e tij dhe premtimin se në të ardhmen nuk do të përsërisë veprën e tillë, sjelljet tejet korrekte gjatë gjykimit, sjelljet e tij para dhe pas kryerjes së veprës penale, më parë nuk ka qenë i dënuar, si rrethana rënduese gjykata muar peshën e veprës penale, rrethanat në të cilat është kryer vepra, shkallën e përgjegjësisë penale, të gjitha këto rrethana ndikuan që Gjykata të akuzuarit ti shqiptoi dënim me gjobë në shumë prej 700.-Euro, me bindje se edhe me këtë dënim do të arrihet qëllimi i dënimit i paraparë me dispozitën e nenit 41 i KPRK-së dhe ky dënim i tillë i shqiptuar sipas bindjes së gjykatës është në proporcion me veprën penale të kryer dhe me rrethanat personale të cilat i posedon i akuzuari.

Vendimi mbi shpenzimet e procedurës penale është marrë konform nenit 450 par.1 dhe 2 nën par.2.6 lidhure me nenin 453 par.1. të KPPK-së.

Me sa u tha më lartë u vendos si në dispozitiv të këtij aktgjykimi, konform nenit 365 të KPP-së.

GJYKATA THEMELORE NË GJAKOVË
- Departamenti i përgjithshëm -
P.nr.65/18 me datën 28.09.2018

Sekretarja juridike,
Lamije Kuqi

Gjyqtarja e vetme gjykuese,
Diana Sina

UDHËZIMI JURIDIK: Kundër këtij aktgjykimi është e lejuar ankesa në afat prej 15 ditësh pas marrjes së aktgjykimit, në Gjykatën e Apelit të Kosovës në Prishtinë, nëpërmjet kësaj Gjykate.

Numri i lëndës: 2018:030752
Datë: 28.09.2018
Numri i dokumentit: 00150515